

中国文献珍本丛书

晚清珍稀期刊续编
(二)

全国图书馆文献缩微复制中心

益
聞
報

天主降生千八百九十三年三月初八日 第一千二百四十八號

益聞錄

大清光緒十九年癸巳正月二十日 本館開設上海徐家匯

目 餘有恭錄

初使泰西記辨

福海春潮

長淮逸氣

瓊觀春聲

鄧尉梅春

南越春聲

嶺南新草

朝陽脈務

越地近情

學轍消息

傳舍匆忙

日人萃墨

金陵仕版

記事珠

錄 馬背船唇客詞

離曲醉人詩

陳雪蕉詩

憲示照登

京報照錄

本報每七日出二次，每份本以取錢十文外，埠由代售者酌加寄費，除本報房出售外，又由各處天主堂分發，賜閱者各往購取可也。謹白。

諭旨恭錄 ○正月十七日奉 上諭着添派刑部尚書孫毓汶恭辦 萬壽慶典事務欽此

初使泰西記辨

志君克庵剛於同治六年以總理各國事務衙門總辦章京 賞加二品頂戴充行人奉 國書於泰西有約各國使事既竣將所經歷見聞者著爲一書名初使泰西記至光緒丁丑恒君壽之謂其有關世道人心民生國計代爲梓行問世其名初使者以中國自與泰西和約後第一次派往 欽差大臣也前此雖有斌君友松攜同學生出洋之舉然未奉 國書不過偶一游歷故不得爲初使云迨君甲戌解組後隱於玉泉山下接水湖築陶復居闕曠怡堂士大夫過訪無虛日飲酒賦詩極一時之盛余不才蒙君不棄呼爲忘年友故亦時相盤桓揚榷今古抵掌是非且叨承繆許歲中中君復取是書重爲訂正增刪者凡若干條余亦得與較字之役顧其書中誣毀教中者凡數則余自奉教後始知其誤信人言惜乎君已作古不能與之剖析是非求歸至當矣昨與友人談及是書其誣毀諸言友頗據爲切論余乃力辨其非指其謬誤摘其瑕疇友始豁然悟翻然悔知向者爲捕風捉影之談而無當於是非之正既而請曰今某間快論疑團頗釋其未聞者不免仍膠執其說津津樂道先生盍將此意筆之於簡使人皆知其非不復相沿謗毀豈不更善余曰嘻是非蒙之所敢望也蓋位卑言輕學疎才陋無論言之不足汚高明之耳其奈徒自取辱供其鄙劣何既而思之言之是者不以人廢理之當者奚必文佳詞麗之言聖人采焉故不辭夏蟲語冰之誦而一効野人獻曝之愚按是書誣毀教中者不一而足如所言耶穌自係聰明磊落之士但不知道有行廢身有隱現徒炫已長大犯時忌等語不知者以爲辭嚴義正論斷切當矣殊不知此正與井蛙誇海蛇蟻撼樹類耳夫耶穌降生救贖之事古經載之先知言之迨耶穌降生後無一不若合符節當時如德亞民不信耶穌爲天主然絕不疑耶穌所行靈迹如啓聖開啓起死淨類諸端但此諸行實超人類之能非天主不能爲謂其事爲謊言以誑人是譬不信日也試問其誊耶穌在世造之乎抑其既沒或後數百年造之乎且代代相承愈傳愈廣果誰之力使之然耶或疑古經爲後人僞託故此符合是閉目不欲見日而謂無日也蓋古經於降生之先已傳各國即中國河南開封府一賜樂業殿亦供古經四部掌故家謂其傳於周顯於漢定有依據

斷非浮語他若回教不信耶穌向世守古經而望救世者吾教中辨此諸書洵堪充棟欲引述之筆禿唇焦日猶不足欲錄之妙緒循環不能斷割人但肯虛心實力一加推勘無不是非了然天主至道本不必有所依附自能證其爲真然人情淺近居楚言楚不妨就近指點亦可使其易於領會恭讀 聖祖仁皇帝御製詩有天路新憑天子通之句是 仁廟已信耶穌爲天主子受難贖人矣再查康熙字典耶穌字註云耶穌西國言救世主也是已風行天下作不刊之典矣觀此故亦無庸多辨又如所云教士散而之四方幾千人皆持其鼎俎以求魚肉等語查教士之入中國歷巨欸以傳教賑米粟以拯飢其費蓋由西國公捐歲用雖屬不貲何嘗有求於中土況既爲教士必皆康濟爲懷蒼生爲念無不望世躋雍熙人民安樂則一切乖謬惡劣俱嫁禍教中道高謗典固無分摺紳紳莽耶又記一西人偶訪及中土有殘害子女不善撫養者經教士向西國捐資開堂收養之事彼謂教士藉端造謠欺哄本國剝削桑梓無良太甚云云緣法國四十年前有某主教聞東邦有溺女之風心爲不忍乃創此義捐郵遞中國專爲收養貧病嬰孩今各省傳教處所皆有育嬰之堂孩提千百成羣肥白婆娑衣履整潔長成則令之習業與之聯婚其浩大恩德洵稱決瀾淪肌即如上年我 皇太后派內臣斌輩至西什庫仁慈堂遍視一切莫不極口稱嘆其法良意美頓詆云教士無良欺哄桑梓昧昧之言亦過爲刺繆復謂西人事求精獨不解教士之用心甘受欺哄此等言語是猶飲狂泉不自知爲狂反指人爲狂類也且西人肯出多資交納教士必教士之誠信有以感孚之者不然何有索必應應且如響是其故亦可思矣即此數端已見其污穢加人言不中窾其他亦不必刺刺不休絮絮聒耳端總之設辭終露其蔽浮雲難掩日光德之修非難不爲功道之正無毀不成大慍於羣小不害其爲孔子肆不殄厥愠不傷其爲文王譽不加勸非不加阻盡其在我何恤人言顧受謗不白爲害甚大名不正即言所以不順言不順即道所以不彰故聊設區區爲力辨之如此亦義之所在不能自己非敢妄肆雌黃訕謗者長惜乎不能起志君於彭咸之居如昔日之抵掌是非求歸至當也悲夫

光緒壬辰臘月二十二日英華斂之書於北京西堂

福海春潮 ○閩省城內外拐匪出入踪跡詭秘小兒女無知無識一經哄騙鮮不入其彀中求其

販往所在則人海茫茫莫可問訊日前北門夾道坊劉姓婦婦童養媳一名年纔八齡立於門首不知去向又城外達道街楊阿二家祇此一子兼祧三房年僅雪花棉瓣之數值街上人多一霎時被人拐去現皆懸賞購尋偵騎遠出恐碧海珠沉難撈現網矣○閩省風俗凡女子于歸之次日例當挈婿歸寧拜見丈人大母諺謂之請回門既回母家又須即日言旋不容越宿去臘立春日城東街某甲娶南台王姓女次日循例連轡出城仰見泰山泰水設宴與酬夕陽既下始唱驪歌而賦歸歎在道驛驂飛塵趕走蓋恐城門下鑰不及進城也不料行至南城業已掌鑰局同魚鎖高懸甲進退維谷商諸新婦暫在就近親串家借空屋一簷權作棲止翼日天曉速整歸裝而返

長淮逸氣 ○淮安漕憲調劑候補人員每至年尾定期考試以花紅作薪水之資一滴醍醐末吏恍如暴富去臘二十五日漕帥示諭課試候補官員凡現任暨有差委者無得與考其例應與考者先期報名造冊呈送協鎮松協戎轉遞到轅伺候在校場考試以三槍爲憑聽鼓發員得此則濟頗爲忻然○宿遷縣各鄉去年秋收荒歉以故人窮多盜輒肆掘門挖戶之技段實人家夜不安枕每有坐以待旦俾晝作夜以防月下光顧至冬盡歲初米價飛漲二百文一石生活之艱概可知已○淮安下河市上有路過客手持棉袍身穿短襖隨行者少婦幼女各一口呼庚癸并手執蘆棚紅帖一紙上寫急買二字號寒啼飢竟至如是好善者咸解袋相濟誠甦死肉骨之懷也○淮安杜君秉寅向在山東省垣候補縣職邇日電報到家稱已委署山東鄒縣知縣受任之期大約俟梅花開了杏紅將吐時云○淮安大雪之後寒峻不常釀成爛喉之症凡染此者易於畢命居民惶恐大爲保養不料此等氤氲疹癘蘊蓄未清日前龍窩地方朱公館內年少公子八齡患此疾而殤不久該館內女公子年僅五齡亦患此而斃氣侵之災可不慎歟○時至歲暮流氓無賴之輩輒向店舖騷擾并至典當中持惡欄須捷之物強求質押莫得施濟典中人憾之起縣稟明各節張太守以冬月典內減價讓贖以恤貧民何得任不法棍徒向典滋鬧當即出示云敬慶典中冬月減利分半以惠窮民烏庸棍徒手持破衣強行典押以及幼童扒櫃肆擾等弊自示之後如再有前項情事准扭稟到縣嚴辦不貸云整頓地方庶幾有寄

現觀春聲 ○揚州陳仙樓太守卿雲清肅簡節惠愛及民去歲壽辰時各州縣踵府祝嘏恭賀儀聊盡屬下之誼而太守先期下鄉查荒各官始望塵而返及至歲晚過冬各官及在地紳董又例有饋贈之儀作祝歲款項而呈送宅門仍復璧返不受絲毫夷齊清風亮節不是過矣○去歲順直河決爲災當道開捐籌賑分往各省設局勸捐業已天涯海角咸區懷恩踴躍捐輸第平民既已捐及可預榮施而鹽商人等尚未飭令籌款刻經部中行文至運憲江都轉署飭令鹽商籌濟都轉奉文札飭淮南總局傳諭鄂湘西皖四岸鹽商着令捐輸賑濟從速辦理去臘之杪該四岸商人多方會議擬即承捐三萬兩用以報效稟至總局轉詳運憲立案運憲批示着分爲三限繳清北地哀鴻庶與中澤矣○揚州府署各科書房辦公之屋在兩廊間年久失修頽垣敗壁草宅之蝸篆鵲巢蟻蟻網戶亦已欹側耶當不堪棲託各科書遂攜歸私室草率辦事陳仙樓太守以辦公之地託諸私門非重視公事之意飭即籌款將兩廊魚鱗之瓦雀角之椽大爲修葺門楹端止滲漏無虞諭令各科書人搬入從公辦事听夕無間庶傳喚便易而體制尊嚴如再有前項情事任情抵牾不將文卷存署收檔者一經查出定即責革不貸各科書凜遵憲諭恪守章程矣○揚州保甲總巡方大令接管時前總巡湯大令奉府憲陳仙樓太守飭代理江都縣事務以朱玉年大令丁艱故也近日代理之事業已交卸保甲總局趙觀察以治理務求賢員庶得猷爲兼裕詳請上憲委作六七溪口總巡保衛閭閻其惟賢有司能之○兩淮鹽員病故向有恤銀一項按章發出以恤清苦官屬近日鹽知事方君給病故家屬遺丁王福向淮南總局求助恤銀局員據情稟明運憲以昭劃一奉批示云向章凡各員常有優差二次常差一次者病故後方有恤銀今該方知事交卸六漫聞差事後即行病故求領恤銀與向章不合着毋庸議○儀徵縣樂儀書院向章課試文藝比有願增貢各士子稟請運司江都轉乞依照揚州梅花安定兩書院添用小課講求詩賦經解論說以培實學運憲以經費不足齊火無出暫緩有志未逮姑俟異日可也○青皮小丁淦者地棍之渠魁也平日囑擾閭閻索詐舖戶無惡不作亦已久矣近又騙竊某甲驢一頭保甲總局趙小溪觀察深知該棍之害提案訊實詳明督撫憲批將該犯小丁淦監禁二年現已如法辦理痞棍等咸不寒而慄

鄧尉梅春

○金四元妙觀爲游人聚會之區拆鈔剪綸之輩肆行摸竊歲首人閑游戲者多於平時初五日有某甲在人叢中被袂鞋脫弓身俯納其屨不料頭上皮帽被人攫去猛抬頭四周環顧杳無踪跡又俯納鞋則背後又有人一湧則所脫之鞋又絕無形影向人訾罵均各散去甲乃購新帽與鞋喪氣而返○城北門狹街內有輿轎而來者轉爲過去撞倒年邁老嫗脫其一齒嫗挽轎不放大肆咆哮乘輿者飭役夫向嫗服禮并出洋二元爲嫗壽始含笑而散○觀中茶肆內人多於卽一客在座有不識姓名人向之索飲飲訖又欲討錢二十文客不允叱之去有黠者曰此非善類客猛思烹上巾包則已付諸烏有據客云包有英洋四枚青蚨二百文錢器六支出肆瞭望針沉海底矣

南越春聲

○安南所屬多白鷺鳥號扇玉亦曰帶絲該處人用以妝飾故鷺羽價極貴凡捕鳥者官立限制不准越境彈射人有咏之云檜邑素冠假羽儀而炫麗江東白帽因素質而清高價不數於續貂入座有江湖之思華殆同于聚鵲臨流生歌嘯之豪縱我鸞弦暢于雕手發無虛一正牧子之來時中必疊雙及漁翁之觀後觀此可知其所向已○越匪黎誠提番兩名現皆投降降膝行請命○寶城街舖上于臘月四日火燒四家至十二日又燒十九家未燬元宵之燈火先燃除歲之薪盆同祥厄人作此趣語○安南大學士陳廷禧於去臘朔日病卒越王照給卹錢七百貫又加給五百貫蓋以重老臣云○越南北圻地方去赤道不遠去年重陽以後寒冷若水不異北方塞外平原草木樹果十損七八米價大爲騰貴惟北寧差穩至立春日寒威漸減桃李增榮矣

嶺南新草

○粵東鑄錢局多餘銀白汁液爲毫角小洋流通華甸行省中咸爲利賴去臘歲除之候官場體恤工人循例給假停工俾各工回家團聚笑語過年節勞苦而務消閑督辦者誠籌畫備至也今正於上元後即催令各工到局遵照向章扇葵箒之爐發純青之火業已照常工作矣○南順兩縣交界與築鐵間以禦西潦爲三十六鄉人所阻業登前報茲聞順德縣魏大令親臨履勘察得該間並無損礙之處着令紳耆傳諭各鄉人勿啟毀端自貽伊戚大利之興同受其益隨飭紳董鳩工行事該董等奉令維謹速飭匠人照辦而匠等以工廠被焚所喪資財甚夥且有四石工至今無着未知生死若何現已呈明縣憲求

爲追究未識作何辦理○新正二日粵東大沙頭地面某姓被匪人入門拔槍禁禁劫去財物甚多已赴縣稟報矣○抽收砲臺經費由各商捐出已二年於茲比聞李制軍剛中承體察商艱着自十九年正月元旦起盡行裁撤如餅料行佛山四沙餅行省城餅行澄烈行土麪行省城麥子行佛山江門石岐鮮果行佛山布行南番布行省城北江雜貨行佛山西土雜貨行及炭行雞鴨行鍋爐行均邀恩政云

朝陽賑務 ○朝陽自前年匪人倡亂兵燹之後民不聊生及至去年春雨夏旱秋霜冬雪五穀不登小民失望飢寒交迫賑撫者日動憂思熱河奎都統以今春補救尚無籌款之處擬將赤峯縣所屬之錫伯河及莫金河兩處開通淤塞以工代賑庶貧民得有食力之方不致嗷嗷鴻雁地方得水利之益無須澤國爲虞即平泉建昌各處人民亦可因工就食值此青黃不接非從長計議何以爲安緣先議請帑項三萬金俾得興工辦理邇已繕摺飛達 九重云

越地近情 ○安南界址與暹羅毗連其間暹越分劃之區漫無標記近由法京擬定以該處美江河之北岸作爲暹越分界以清疆域鴻溝有定可毋越雷池矣

學輟消息 ○江蘇溥玉岑宗師自去歲試畢淮陽回衙度歲聽爆竹之聲聲新春獻頌對梅花之點點瑞氣增祥元旦初過燈光又改屈指二十日開印之期正好檐前韻噪近日行文至徐州海州兩處准於本月二十七日出轅按臨該處考試兩州士子當快束行裝到寓靜候矣○江陰縣劉大令奉學憲札文赴轅稟明准于二月初一日考童生頭場一面出有紅諭并移咨縣學飭值路人等下鄉報信凡三十六鎮中磨礪以須數年出衆者咸於是日入場縣試云

傳舍匆忙 ○宦途升調代換世人比之傳舍不第長安似奕棋也去年處州府傅太守於九月初奉憲檄署杭州府時所遺處州缺飭趙太守亮熙前赴本任及去臘台州府署任期滿憲委趙太守署理斯缺委林德菴太守樹滋署處州篆務祥風遠扇仁政遐敷賢勞之詠王事靡盬云

日人萃墨 ○墨西哥國所用開墾種植工人半多日人源源而往旅食其地日廷派有領事駐彼以資保護然統率有人而棲宿仍無片域邇來日本外務大臣頗爲武度飭駐墨日領事在墨境購求地段

一方便日人萃居一處俾有所歸宿誠留心民瘼嘉惠旅人矣

金陵仕版

○候補道志鈞委辦金陵書局差楊兆鋆委同文館差張廷杰委會辦洋務局准補副
海營游擊錢昌德先行署理赴任准補海門同知王賓飭赴任記名總兵謝得貴委署吳淞營參將火藥局
候補道稟知二十四日停工調署南陵縣賴同宴赴任知府勞元弼由徐州督收歸子回○督轅牌示正月
初一口元旦令節是日五鼓應穿朝服齊集萬壽宮慶賀拜牌江西袁州協副將鄭國謨病故遺缺查有兩
江記名提督李榮發堪以借補○藩轅牌示江寧府教授李召猷病故查有試用訓導張寶康桃源訓導王
春旭病故查有試用訓導王兆昌均署理如皋縣石莊司巡檢艾恩照期滿以試用典史唐廷棧銅山縣利
國司巡檢方大猷期滿以試用從九姚家漢豐縣典史高崇實告病以試用從九婁衡均署理

記事珠

○皇上于臘月二十三日至儀鸞殿 皇太后前請 安頤年殿侍 膳出至紫光閣升

蒙古包進奶茶賞奶茶升黃觀察里升座看貫駝○庫倫辦事大臣安副都統委員呈進野豬山雄黃羊鹿
鹿封雞山貓等野味共四十餘筐交內務府收○東安門外大街甬路旁賣畫棚於臘二十三日失火延燒
北鄰張三校子棚起火之人由官廳拘解提署訊究○京畿道御史徐侍御新刻臺諫欽規一書分呈各京
官○安慶桐城縣獄中於除夕更深逃去要犯三名沈大令策名已詳稟上司云○皖垣米價週日飛漲每
石價三千五百文○前報列鄂州土匪滋事情形茲聞此種匪人係屬私販與卡丁爭鬪致傷官兵華容縣
某大令稟報張香帥派營前往想易驅散也○客臘岳州某典被匪搶劫新正月初七日襄河水師兵弁獲到
一匪年四十餘加上刑具送入縣監○漢陽鐵政局工人薪資向皆每日發票十日領銀工人不便今正四
日局中允為每日發給工資歡聲雷動○粵東食米頻年由廣商在蕪湖販運近有德忌利士公司之海壇
火船由西貢越南販回粵米庶見放鬆矣○漢江水勢週日加漲舟楫咸歌利涉○杭垣蔬菜之類價甚昂
貴黃芽菜每斤三十餘文而滬上油菜則需價每斤四十餘文亦罕事也○貴州青溪縣鐵礦前經撥公款
銀三十萬兩又招股銀十萬兩始行開辦近以銷售路遠資本收回多所周折因之遲滯緣復委員至四川
淪城再招股十萬兩以便擴充云○滬上赴津各輪于十六日午刻開行○松江府恩詩農太守於元宵日

蒞滬○東歷二月九號即中歷臘月二十三是日東瀛鹿兒島縣海部郡三岐田村失慎計燒二百餘戶一村房屋僅存九十三戶至十二月二十八日千葉縣又報火災同區四百餘戶燬去二百二十餘戶誠巨災也○美國希加高賽會業已定於今年而奧國務勞卑士地方亦擬於一千八百九十六年開一大賽會現已出一百萬佛羅爲賽會費云○土耳其人博士慕撒露禮近以化學推出桑葉成絲之法用機器抽之不讓蠶吐刻已買地植桑開廠云○美國今設博覽會日本皇太后寄去自製織物及手製色紙自題御歌於其上近日會中人以織羽甚精照會橫濱分社請派人往美傳授現已議定西京女子大竹雪僱通英語之女伴前往○陽歷三月十三日本北海道大風飛雪洋面溺漁舟六十八隻漁父三十六人不知去向岸上房屋亦多倒塌○日皇詔裁官俸十分之一充製軍艦及海防費其獻金充費者隨時嘉獎現已多有貢獻者○高麗向仁川華商同順泰貸銀十六萬兩以仁川海關稅銀作抵由袁觀察世凱成之云

壬辰夏令苦熱冬令苦寒戲作虞美人二闋 ○水天雪窖難辨信是江南鮮終朝長聳作詩肩最好羊羔美酒夜如年 畏寒猶似畏炎熱滿目愁雲結將軍塞外獵初回凍得雕弓羽箭手難開 千峯萬嶺昏一睡紅葉風吹碎匆匆不覺又殘冬怕得今年奇冷似寒虫 南檐十日陰雲繞閉度黃綿襖案頭古硯火頻溫且學袁其一臥不開門 長白馬背船唇客榮椿壽嚴氏倚聲

述懷答趙君藹庭步原玉 ○清夜猶安夢境餘無欺屋漏傾端居正看長吉錦才富不讓劉伶斗酒儲落魄有誰憐杜牧題橋無句愧相如幾同零落歸秋燕竟得來鴻寄一書 再疊韻 遣愁強自讀三餘抱膝窗前慨獨居藻思殘催秋思老梅花香冷雪花儲賈生抱怨終難洩屈子行吟却奈如投筆久殷班氏志此身不善作傭書 離曲醉人邱明求正草

哭張君晚香 ○生離死別最心酸回憶蘭盟淚不乾朝夕相逢知己少草堂寂寞爲誰寒 海上驚傳惡耗間慘教魂返竟離羣知音流水今何在剪燭窓前結黯雲 憶從相識話萍緣把臂頻年雨意春我比征鴻搏海上君何鶴化此身捐 陳雪蕉學吟草

憲示照登 ○頭品頂戴兵部尚書兩江總督部堂碩勇巴圖魯劉爲出示曉諭事照得建木一項

向完江北內河各港落地捐各厘卡抽收畸輕畸重且間有無局港口棍徒行戶包攬勒索之事弊端不一而足利歸中飽商受其累殊屬可恨前據金陵釐捐總局詳請將建木應完江北內河各港落地捐改在吳淞抽收進口統捐一次無論運至何處經過金陵釐局所屬各卡均驗票放行概免重徵商人可免一再抽收苛索耽延之累公私皆有裨益等情當經批飭安議捐並詳辦茲經該局飭據吳淞驗補吳淞釣船捐各局員及寶山縣知縣會稟鈞船局所收建木貨捐係分七分尖稍長二丈四尺者曰長木七尺大頭長丈四尺者曰雙連此二種大者均每株捐錢四十八文小者均每株捐錢二十四文杉板八尺長一尺寬每十塊爲一丈捐錢三十文七尺長五寸大頭曰全木二丈長一尺大頭曰木段此二種均每株捐錢十二文丈二尺長三寸大頭曰連半每株捐錢十八文二尺四寸長五寸大頭曰木節每株捐錢四文今開辦進窰木統捐擬於驗補局添設司事兩人隨同鈞船局看艙司事查驗木值由船戶報明赴何岸行銷除崇明照舊驗票放行不再收捐外其在南岸各口者悉仍其舊若指銷江北各港每船於核定應收貨捐數目照八折抽收窰木統捐開單知照驗補局收捐給票放行以免羈候如因南岸銷貨運滯欲改赴北岸者船泊何處不必遷移先着船戶來淞查照原捐票根照折補給統捐之票方准前往倘敢指南銷北朦混取巧者無統捐之票即將該船扣留全貨充公凡報過統捐本船無論行銷何處經過金陵釐局所屬各卡但驗有票立即放行概不驗補重征若有司巡及棍徒行戶人等假公濟私藉票貨不符爲名任意刁難勒索該船戶開明姓名就近赴該督分卡及該管地方官稟請究懲該卡員及地方官等不爲准理出口時報由卑局據實詳請分別懲辦稟祈示遵並頒示諭俾衆週知以便開辦等情到本部堂據此查核所議章程尙屬妥洽此項進口統捐即係建木向應完納江北內河各港金陵厘卡之落地捐現在改於吳淞進口之處抽收總捐一道商人于統捐之後凡經過金陵釐局所屬厘卡均驗票放行不再重征既可免一再報捐之煩又可免刁難需索之累是不獨於公有裨於商亦屬有益各該商等應即遵照辦理惟此項建木均係釣船裝運查釣船入江向來祇准以瓜洲小口之下瓜棧舊址之上爲界不准駛至上游其入江時前應在吳淞釣船捐局繳存軍火及本籍牌照由局給一小旗並換給局照遞換荷花池及都天廟象山各厘卡單照下江時逐卡

收單發照如遇無旗照船隻即查拿究辦并由瓜洲鎮督飭瓜洲三江各營員弁稽查原所以慎重江防現在祇將鈞船裝運之建木改抽統捐其鈞船行駛之處及繳換旗照一切仍應循照舊章除批飭遵辦外合行出示曉諭為此示仰鈞船建木各船戶商人知照務須凜遵辦理如該商等遵章完納統捐之後行至應行經過金陵釐局所轄各該釐卡均應隨時驗票並照章換給單照放行不准稍有刁難訛索如並無執照呈驗及實在票貨不符方准扣留稟辦倘各該厘卡司巡丁役及地方棍徒行戶人等敢有假公濟私藉貨票不符爲名刁難訛索情事准該木商隨時扭稟各該督卡員或該管地方官究辦倘或不爲准理許於出口時報由吳淞鈞船局詳請究懲決不寬貸該鈞船亦應恪遵定章辦理並祇准駛至瓜洲小口之下瓜棧舊址之上爲界不得違禁駛至上游致干拿究其各凜遵勿違特示光緒十八年十二月十八日

賑捐給獎紀○李傅相奏知府坐補四川叙永直隸廳同知華國英捐賑銀一萬兩請獎奉 硃批

華國英着發四川以道員補用欽此又奏天津紳士三品銜候選道黃雋翰捐椿料築堤合銀四千餘串又助棉衣三千套合銀四千五百兩請獎奉 硃批黃雋翰着賞給二品頂戴欽此消督松奏升任山西臬司廣西右江道張汝梅將所有江蘇清河縣湖田草地百餘頃價值銀三萬餘千捐入清河山陽書院育嬰經費請移獎其子監生張書年以郎中不論雙單月選用分部學習行走奉 硃批着照所請該部知道欽此

光緒十八年十二月二十六七日京報照錄

二十六日麟中堂謝領閣事 恩 張中堂等同鄉官謝 恩 李鴻藻等謝經筵講官 恩 徐會灃等

謝直閣事 恩 召見軍機 熙敬崑岡 二十七日莊王謝賞壽物 恩 烏拉喜崇阿續假二十日

希隆阿請假十日 裕德請假五日 英信續假十日 長萃續假十五日 召見軍機 鳳鳴立山

掌陝西道監察御史奴才文郁跪 奏爲各衙門會核秋審 朝審招冊爲時太促請飭刑部先期分送以憑詳核而重人命恭摺仰祈 聖鑒事竊查刑部例載各省秋審到部刑部將原案及法司督撫勘語刊

刷招冊送九卿翰詹科道各一冊八月內在 金水橋會同詳核分別具題請 旨各等語至刑部現監重

犯 朝審刑部查議後即奏請 欽派大臣覆核具奏其刊送招冊會同審擬與秋審無異原以實緩爲人

命出入所關不厭求詳故招冊偏送各衙門會同審擬 制廷所以重人命者誠慎之又慎也但分別實緩須以招冊為憑而招冊非詳細推求無由得其要領乃近來無論秋審 朝審皆本日上班時方得披閱招冊俱係刑部於前一二日始行分送秋審多至一千七八百起 朝審亦不下數十起即精力過人而於半日之間能貫通數千百頁之多斷無此理是以 皇上矜恤庶獄之大典而反視為具文矣即如葆環誘

賈永氏一案經給事中洪良品奏參雖覆訊後仍照刑部原擬具奏而葆環刑部原擬絞候入實並無聲叙之說至覆訊則謂其與憑空誘騙有間情尚可原應由刑部於呈進黃冊時聲明請 旨此案若非覆訊葆環早已環首市朝矣是秋審 朝審之關係人命甚重不可視為具文應請 旨飭下刑部無論秋審 朝審均於上班前十日務將招冊送到各衙門俾得從容披閱細心推求始足上副我 聖主矜恤庶獄之至意奴才為慎重人命起見是否有當恭摺具陳伏乞 聖鑒謹 奏奉 旨已錄

巡視東城陝西道監察御史臣恩鴻等跪 奏為遵保拿獲迭次結夥持械施放洋槍搶劫盜犯出力之司坊紳董葉案請獎恭摺具陳仰祈 聖鑒事竊臣等據步軍統領衙門移稱據北營恭將鵬展等會同東城副指揮沈銘新南城紳士陳庚經等拿獲結夥執持洋槍搶劫盜犯趙二即趙及鳳等一案又據北營千

總張得海等會同揀發東城正指揮陳文熙紳士王程等拿獲迭次搶劫盜犯廖錢舜即小廖等一案當經奏交刑部審辦嗣准刑部訊明將趙二即趙及鳳與舜兒即與舜廖錢舜即小廖梁伏兒即小梁均擬斬決

梟示餘犯分別軍流徒杖辦理業經奏結並聲明會同獲盜之司坊紳士等由各該衙門自行請獎鈔錄原奏上招及官紳銜名開列清單移會到城臣等查該司坊紳士等均能不分畛域設法糾獲首盜多名尚屬

勤奮未便沒其微勞謹將出力各員照章查明獲盜案由遵照向章會同奏請保獎以昭激勸謹繕清單恭呈 御覽除將各該員履歷造冊送部外仰懇 天恩飭部核覆施行再此摺係東城主稿會同中南

西北城保獎合併聲明伏乞 皇上聖鑒謹 奏奉 旨已錄

新正月十八日銀洋行情 ○英洋 七錢二分五厘七五 銀拆 九分 洋拆 無市 洋找頭 七錢二分六錢找頭 九百六十文 市錢 一百四十二文 衣牌 一千零四十文

天主降生千八百九十三年三月十一日 第一千二百四十九號

益聞錄

大清光緒十九年癸巳正月廿三日 本館開設上海徐家匯

- | | | | | |
|----------|------|-------|------|------|
| 自 諭旨恭錄 | 運糧說 | 上林春曉 | 方城燕語 | 臺疆新景 |
| 封屋召買 | 和韻傳飛 | 潤州春色 | 額獵市語 | 綺山纖彩 |
| 皖垣氣象 | 驚江春汛 | 鄂省懷情 | 記事珠 | 喬心困詩 |
| 錄 馬背船唇客詩 | 淪落子詩 | 未了山房詩 | 鏡汀氏詩 | 京報照錄 |

本報每七日出二次每張本埠取錢十文外埠由代售者酌加寄費除本報房出售外又由各處天主堂分發賜顧者各往購取可也謹白

諭旨恭錄

○正月十八日奉

上諭陶模奏特委庸劣不職各員一摺甘肅新疆即補同知前署

喀拉沙爾直隸廳同知劉金藩任用劣幕滋事顛預着以府經歷縣丞降補烏什直隸廳同知袁運鴻性情偏執用人欠慎惟係舉人出身文理尚優着開缺以教職歸部銓選候補知縣前署于闐縣知縣夏毓衡工于牟利民有餘怨補用縣丞候補巡檢喀拉沙爾布告爾巡檢武緯藉端科罰擅責平民均着即行革職以肅官方餘着照所議辦理該部知道欽此十九日奉 上諭甘肅新疆布政使着饒應祺補授欽此二十日奉 上諭明年恭逢 慈禧端佑康頤昭豫莊誠壽恭欽獻皇太后六旬萬壽所有應行來京祝嘏事蒙古王公台吉等其間有年班者着該班之王公台吉等來京不該班之王公台吉等均着不必來京內札薩克乾清門行走之王公台吉等有年班者着來京御前行走有情願來京者着來京叩賀欽此同日奉 旨瑞普着賞給頭等侍衛在大門上行走欽此

運糧說

滬上歷年海運由蘇杭兩省委員照兌過船或鼓輪或揚帆裝載北上至京通交卽年年如是運米蓋不知幾萬石而河運到京各省亦復不少北京需米爲詔稱之典祿以養官餉以養兵故不憚如此勞勞戰運漕漕而往然竊觀前代皇都之處均須各省送米交倉明朝建都金陵漕糧至金陵輸送迨後移建燕京漕糧則送燕京故米都汴而漕運至汴唐都長安而漕至長安其不建都之處無需此多米似漕運專供京內及京官京兵所食故明末唐皆如是也然不建都處不必運米一逢建都精餉支項之米抑何若是多耶且聞京中逢季放米領受之家輒傳商人其昇歸自食者甚屬寥寥約畧計之卽至多亦不過十中二三家取歸自食而已由是言之國家惟正之供按照成例取之于民用官員人夫舡隻費數十萬金搬駁運載原期國有三年之蓄九年十年之蓄以資京畿口食而寒冬各善堂賑粥亦由 皇恩賞給煮放以期無一夫失所此白粲黃粱之運所以千百年如一日也然農耕之地出米其不農耕之地益復不少南方各省遭兵燹之後拋棄無人一望黃茅白茆陸垓無分者屈指數之原不儘千畝萬畝而出米已如是之多況又有商販購米出洋以濟外地者北方則均之耕田鑿井處也而出米則不聞有餘且販米之商聞有販北發賣不聞販